

Ich ben keine Engel

Text: T. Engel, H. Seliger / Musik: J. Fritz
Verlag: Manuskript

Wat hät m´r sich em Lääve
Nit all schon vürjenomme
Nit mih rauche, nit mih suffice
Un em Lotto jewenne
Statt mem Auto en d´r Stadt
Nur noch mem Rad ze fahre
D´r Nikolaus ze maache
Bei uns em Kinderjade

Ich ben keine Engel ich heiße nur su
Un dä Himmel hängt für mich
Och vill ze huh
Dat met däm fleje klapp och nit esu
Ich ben keine Engel - ich heiße nur su

Wenn m´r nit jefroch weed
Ens de Mul ze halde
Un bei Jewedder d´r Oma
D´r Schirm ze halde
Em Schwemmbad schön jrad
En d´r Bahn ze schwemme
Un mi Leevje janz hösch
En d´r Ärm ze nemme

Ich ben keine Engel ich heiße nur su
Un dä Himmel hängt für mich
Och vill ze huh
Dat met däm fleje klapp och nit esu

Ich ben keine Engel - ich heiße nur su
Ich ben keine Engel - ich heiße nur su

Chor:

Wenn du dich endlich ens bewäjen däts
Un nit de Mul nur schwaads
Un he jemütlich op d´r Bühn römsteis
Un op e Wunder waads

Ich ben keine Engel ich heiße nur su
Un dä Himmel hängt für mich
Och vill ze huh
Dat met däm fleje klapp och nit esu
Ich ben keine Engel - ich heiße nur su

Ich ben keine Engel
Un selvs wenn ich wöllt -
Ich köm janit huh